



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDLXXXIII.

urn:nbn:de:hbz:466:1-42840

votum B. MARIE Lauretanæ publicè fecerit : cuius damnata voti, vnum è nostris misit, qui illud dissolueret. Sic ibi. Ita ille velut collectis Urbis totius linguis, & cordibus Deiparam ex munere salutavit; illam Deiparam, cui in Græcis Menais Ioannes Euchaïta sic loquitur : *Te, tanquam amabile cunctorum mortalium decus, celebramus vniuersi, hymnis cantandis in vnum veluti labium collecti. quare, ò palatium Verbi, nos quidem viles, sed tamen tuos, ad celeste Regnum admitte.*

30. Ian.

ANNO MDLXXXIII.

280 P. Rudolphus Aquaniua P. Euerardo Mercuriano Generali scribens ex Indico itinere; Equidem, inquit, in memoriam tuæ erga me paternæ tutelæ semper in sinu gesto Deiparæ effigiem quam proficiscenti mihi dedisti. Benè illius effigies hoc in honore habebitur, à qua, vt ait Andreas Archiepiscopus Hierosol. *nostra effigies nouam figuram consequitur.* Nouam figuram se per illam à Deo consecutum gaudebat P. Michael Gubernus hoc anno 28. Dec. Valentiaë extinctus. Solebat ille, etiam in triclinio aliquando, perita à Superiore facultate, tenere narrare, se die Beatissimæ Virginis natum, eiusdem die Societatem ingressum, item primùm introiisse ad altare Dei ad primum sacrificium celebrandum, & plurimis alijs ab illa beneficijs cumulatum, quæ suauissimo audientium sensu facundiaque amabili percensebat.

Imaginè B.V. pro itinere dare amicis. in S. Mar. salutationem.

Beneficia eius narrare,

281 Benedictus Goëz miles licentior, Societatem Iesv anno 1584. expetiit, & adijt ope Deiparæ, animo, in eius templo anno 1583. ad maiorem de noxis præteritis detestationem, & confessionem, apud vnum de Societate faciendam, adeoque ad Societatem ineundam permoto : in qua ille, utili

Cor pœnitès per illam petere.

sup

X 2

Mogo-

11. April.
Vid. Incit.
n. 50. et
annuas.

t. 1. f. 4. de
Afs. B. V.
in fine.

Obedien
tia illam
colere.

Vid. Incit.
n. 51.

t. 2. ep. 38.

16. April.
Cor suū
Deo per
B. V. quo
tidie of-
ferre.
Quære
modos
crescendi
in amore
B. V.

Mogorentibus, alijsque operâ vixit, anno 1607.
11. Aprilis felici morte perfunctus. Intellexit ille
tunc quanta sibi veniæ spes esset ab ea quæ totius
misericordiæ fons est, & quam non difficilis sit
Filius ad Matris preces, qui cum lachrymis perdi-
tum hominem ad se redeuntem excepit. Ad hunc,
ait Bernardus, *ad hunc fontem sitibunda properet ani-
ma nostra, ad hunc misericordiæ cumulum tota sollicitu-
dine miseria nostra recurrat.*

282. Romæ nuncupatis ritè Societatis tunc pri-
mùm impetratæ votis mortuus anno 1583. & S. An-
dræ tironum sepulchro illatus est Georgius Gil-
bertus nobilis, opulentus, & virtute obedientiæ so-
lidæ mirabilis iuuenis, de cuius erga Deiparâ pie-
tate dixi alibi, de obedientiâ potissimùm. Obe-
dientia est ancilla voluntatis diuinæ per homines
explicatæ. Illam faciendo imitamur Matrem DEI.
Faciebat & illa voluntatem Patris, inquit S. Augusti-
nus: vnde illam etiam hoc modo CHRISTI Matrem
fuisse ostendit.

ANNO MDLXXXIV.

283. Guilielmus Elphinstonius Neapoli anno 1584. 16. April. diem pretiosè obiit.
Hic à quo tempore sodalium in albo nomen pro-
fessus est suum magni semper id fecit: ideòque
iam tum se Deiparæ filium latè vocabat. Hoc in-
ter consueta, & plurima in illo non omittendum,
quòd Patres spirituales crebrò interrogauerit: quo-
modo in amore erga B. Virginem quàm maxime progredi
posset? item, quòd quotidie sapissimè diuinæ Maie-
stati per B. Virginem cor suum totum impensè of-
ferret: id quod illi, & viuenti magno ad virtutem
emolumento, & morienti ac fiduciam dulciorem
tenero solatio fuit. Vnde ad B. Virg. imaginem
quæ